

Ուխտագնացություն Դէպի Ռամլլէ

16 Հոկտեմբեր 2005
Երուսաղէմ

1967 Արաբ-Իսրայէլ Վեցօրեայ պատերազմէն մինչեւ օրս Հոկտեմբեր ամսու 2րդ շաբաթավերջին Ս. Գէորգայ Զօրավարի տօնին առթիւ որպէս ուխտագնացություն Սաղիմահայությունը կ'ուղղուի Ռամլլէի Ս. Գէորգայ Հայոց մատուռ:

Շրջանէ մը ի վեր այս ուխտագնացությունը սկսած է ստանալ աւելի ընկերային միջոցառումի մը դրսեւորումը, որովհետեւ ուխտագնացութենէ ետք հաւատացեալներու հօտը կը դիմէ Իսրայէլի ծովեզերեայ քաղաք Ռամաթկան ու կ'անցնէ կէսօրէ ետքի զով ժամեր տեղույն հանրային պարտէզի մէջ:

Հետեւաբար, որպէս ուխտագնացություն թէ դաշտագնացություն սոյն օրը կը սպասուի շատերու կողմէ: Արդարեւ, այս տարույ ուխտագնացությունը ոչ պակաս նախանցեալ տարիներէ մեծ խանդաւարութեամբ դիմաւորուեցաւ գաղութային պարագաներու կողմէ ու տեղական միութեանց Հ.Օ.Մ.ի, Հայ Երիտասարդաց Միութեան (Հ.Ե.Մ.) թէ Երուսաղէմի Հայ Բարեսիրական Միութեան (Ե.Հ.Բ.Մ.) տրամադրած օթօպիսները նեղ եկան աւելի քան 200 Սաղիմահայ հաւատացեալները Ռամլլէ փոխադրելու:

Այսուհանդերձ առաւել միջոցներով ժամը 10ին Սաղիմահայությունը կը ժամանէ Ռամլլէի Հայոց Ս. Գէորգ վանք մատուռ ուր Իսրայէլի Հայֆայի թէ Եաֆայի շրջաններէ քանի մը տասնեակ Հայորդիներ արդէն ժամանած էին:

Օրուան առթիւ պատարագի պաշտօնին կը հետեւին բոլորը որմէ ետք օթօպիսները իրենց ընթացքը կը կատարեն դէպի Ռամաթկան ու մայրամուտին Երուսաղէմ:

Առաւել գեղեցիկ օր մը, երբ Սաղիմահայությունը պահ մը անջատուած իր առօրեայ թէ գաղութային հոգսերէն ազատ կ'ըմբռնէ, յաջորդ տարի նոյն առթիւ վերմիանալու տրամադրուածութեամբ:



Ուխտաւորները հաւաքուած Ռամլլէի Հայոց Ս. Գէորգ վանքի բակի մէջ: